

# SERIKALI KUU



# BARUA YA KULINDWA DHIDI YA UKEKETAJI WA WANAWAKE

Unapaswa kutembea na barua hii ya ulinzi kila wakati unaposafiri nje ya nchi. Hatua hii inakuwezesha kuonyesha familia yako kwa uwazi kuwa nchini Ujerumani, ukeketaji wa wanawake ni kosa ambalo linaweza kusababisha ufungwe gerezani kwa miaka mingi.

Serikali Kuu ya Jamhuri ya Ujerumani

**Ukeketaji wa wanawake ni kosa** na ni ukiukaji mkubwa wa haki za binadamu wenyewe madhara ya kudumu na makubwa ya kimwili na akili kwa wasichana na wanawake walioathiriwa. Utaratibu wa ukeketaji wa wanawake unaweza pia kusababisha kifo moja kwa moja kutokana na kuvuja damu nyingi au kupata maambukizi hatari.

**Nchini Ujerumanini, kutekeleza kitendo cha ukeketaji wa wanawake ni kosa la uhalifu ambalo adhabu yake ni kufungwa gerezani kwa kipindi cha hadi miaka 15.**



Ukeketaji wa wanawake ni uondoaji wa sehemu fulani au sehemu yote ya nje ya siri ya mwanamke; katika njia ambayo ni hatari zaidi, tundu la uuke hushonwa na kufungwa karibu lote.

## **Ninapaswa kufanya nini na barua hii?**

Unaweza kutembea na barua hii ya ulinzi na kuonyesha familia yako katika nchi yako ya asili. Barua hii inafafanua kuwa utekelezaji wa kitendo cha ukeketaji wa wanawake ni **kosa la uhalifu** nchini Ujerumanini – hata kama kinatekelezwa nje ya nchi. Inafafanua kuwa unakabiliwa na adhabu ya **kifungo cha hadi miaka 15 gerezani** ukitekeleza kitendo cha ukeketaji wa wanawake kwa mtoto wako wa kike au ikiwa mtu mwagine atatekeleza kitendo cha ukeketaji wa wanawake na huzuui kitendo hicho au hata kushikiria katika kitendo hicho. Unaweza pia kukatazwa kuingia Ujerumanini au kunyang'anywa kibali cha kuishi nchini.

## Kosa la uhalifu (kifungu cha 226a cha Sheria za Uhalifu)

Chini ya sheria ya Ujerumani, kutekeleza kitendo cha ukeketaji wa wanawake ni kosa la uhalifu (kifungu cha 226a cha Sheria za Uhalifu). Mtu ye yote anayeteketeleza kitendo cha ukeketaji wa wanawake anatekeleza kosa la uhalifu na anakabiliwa na adhabu ya kifungo cha hadi miaka 15.

Kitendo cha ukeketaji wa wanawake pia kinaadhibiwa ikiwa kitatekelezwa **nje ya nchi** au ikiwa mtu anayekitekeleza ni Mjerumani au ikiwa msichana au mwanamke anayekeketwa ni Mjerumani au anaishi au makao yake makuu ni Ujerumani.

Mtu ye yote anayemsaidia mtu mwingine nchini Ujerumani au nje ya nchi katika kutekeleza kitendo cha ukeketaji wa wanawake pia anatekeleza kosa la uhalifu.



Mtu yejote anayeshawishi wengine kutekeleza kitendo cha ukeketaji wa wanawake pia anatekeleza kosa la uhalifu.

Hii inajumuisha wazazi ambao hawalindi watoto wao wa kike dhidi ya kukeketwa nchini Ujerumani au nje yanchi.

Msichana au mwanamke aliyeketwa halaumiwi na hataadhibiwa.

Watu wanaoteketeza kitendo cha ukeketaji wa wanawake, wanaoshawishi wengine kuwasaidia kutekeleza kitendo hicho au wanaoshindwa kulinda watoto wao wa kike dhidi ya kukeketwa wanaweza pia kunyang'anywa kibali cha kuishi nchini na wanaweza kukatazwa kuingia nchini Ujerumani.



## Ukeketaji wa wanawake ni nini?

Ukeketaji wa wanawake ni **ukiukaji mkubwa wa haki za binadamu** ambapo sehemu fulani au sehemu yote ya siri ya nje na/au sehemu ya ndani ya kuta za uuke na kinembe huondolewa na (katika tukio baya zaidi) uuke hushonwa na kufungwa na wakati mwingine kuacha tu tundu dogo zaidi. Wasichana wanaweza kuvuja damu nyingi sana wakati wa kutekelezwa kwa kitendo hicho au kidonda kinaweza kupata maambukizi, hali ambayo inaweza kusababisha **madhara hatari ya afya** na hata **kifo**.

- **Uchungu wa kudumu, hofu akilini**
- **Matatizo ya kujifungua, maambukizi sugu**
- **matatizo ya kupata hisia na kuhisi uchungu wakati wa kufanya ngono**

Wanawake ambao wamekeketwa hawateseki tu kutokana na **uchungu wa kudumu, hofu akilini na matatizo ya kujifungua**.

Wanaweza pia kupata maambukizi sugu ya figo au kibofu na mara nyingi humilia kutokana na uchungu wa hedhi.

Majeraha ya kimwili na akili hukiuka pia vibaya sana haki za wanawake na wasichana za kujitambua kijinsia. Mara nyingi huhisi uchungu mwingi zaidi wakati wa kufanya ngono; hisia za ngono hupungua kwa kiwango kikubwa au kukosekana kwa sababu ya kuharibiwa kwa tishu ya neva.

Baada ya kutekelezwa, kwa kawaida hali ya kukeketwa **huwa ya kudumu**.

# Ninaweza kupata usaidizi wapi? Ninapaswa kufanya nini ikiwa ninashuku kuwa nitakeketwa?

Ikiwa una wasiasi kuwa wewe au mtu unayemfahamu yuko katika hatari ya kupelekwa katika nchi nyingine ili kukeketwa au ikiwa kuna hatari kama hiyo nchini Ujerumani, unaweza kuwasiliana na

- ➔ polisi (nambari ya simu: 110) au
- ➔ ofisi ya masuala ya vijana ya eneo lako.

Huduma ya kitaifa ya usaidizi kwa Dhuluma dhidi ya Wanawake hutoa msaada kupitia simu au gumzo la mtandaoni.



**08000 116 016**

- ➔ Nambari ya simu: 08000 116 016
- ➔ [www.hilfetelefon.de](http://www.hilfetelefon.de)

Huduma ya usaidizi hutoa ushauri katika lugha 18 – wakati wowote, bila malipo na bila kukutambulisha.

Ikiwa uko nje ya nchi na unahitaji usaidizi, unaweza kuwasiliana na idara ya ubalozi wa Ujerumani.

Kijerumani:

[www.auswaertiges-amt.de/de/de/ReiseUndSicherheit/deutsche-auslandsvertretungen](http://www.auswaertiges-amt.de/de/de/ReiseUndSicherheit/deutsche-auslandsvertretungen)

Kiingereza:

[www.auswaertiges-amt.de/en/aussenpolitik/laenderinformationen](http://www.auswaertiges-amt.de/en/aussenpolitik/laenderinformationen)





Federal Ministry for  
Family Affairs, Senior Citizens,  
Women and Youth



Federal Ministry  
of the Interior  
and Community

Lise Paus

Lisa Paus

Federal Minister for Family Affairs,  
Senior Citizens, Women and Youth



Federal Foreign Office



Federal Ministry  
of Justice

A. Baer

Annalena Baerbock  
Federal Minister for  
Foreign Affairs

Ivan Rahn

Marco Buschmann  
Federal Minister of Justice



Federal Ministry  
of Health

Karl Lauterbach

Federal Minister of Health

## **Chapa**

Barua hii ya ulinzi ni sehemu ya kazi ya mahusiano ya umma ya Serikali Kuu; inapatikana bila malipo na haikusudiwi kuuzwa.

### **Imechapishwa kwa niaba ya Serikali Kuu na:**

Bundesministerium

für Familie, Senioren, Frauen und Jugend

Referat Öffentlichkeitsarbeit

11018 Berlin

[www.bmfsfj.de](http://www.bmfsfj.de)

Ikiwa una maswali yoyote, piga simu kwa nambari yetu ya huduma: +49 30 20179 130

Jumatatu-Alhamisi: Saa tatu asubuhi hadi saa kumi na mbili jioni (9 am – 6 pm)

Faksi: +49 30 18 555-4400

Barua pepe: [info@bmfsfjservice.bund.de](mailto:info@bmfsfjservice.bund.de)

Nambari ya simu ya huduma kwa umma ya mashirika yote ya serikali na ofisi: 115\*

**Imechapishwa mnamo:** Desemba 2023, Toleo la 4 (swahili)

**Muundo:** [www.zweiband.de](http://www.zweiband.de)

**Mchapishaji:** MKL Druck GmbH & Co. KG

\* Kwa maswali ya jumla kwa mashirika na ofisi zote za serikali, nambari ya huduma kwa umma ya 115 inapatikana pia. Katika maeneo yanayoshiriki, nambari ya 115 inapatikana kuanzia saa mbili asubuhi hadi saa kumi na mbili jioni kati ya Jumatatu na Ijumaa. Simu zinazopigwa kwa 115 kutoka kwa simu ya umma ya Ujerumani na mitandao mingi ya simu za mkononi hutozwa kulingana na ada ya eneo uliko na kwa hivyo hazilipishwi kwa wanaotoza ada zisizobadilika. Viziwi wanawenza kupata maelezo kwa kupiga simu kwa anwanzi ya SIP 115@gebaerdentelefon.d115.de. Ili ufahamu iwapo huduma ya 115 inapatikana katika eneo lako na kwa maelezo zaidi kuhusu nambari ya huduma kwa umma, tafadhali tembelea <http://www.d115.de>.